

আলোর উৎস সন্ধান

মোহনার দিকে ভাসতে ভাসতে কাছি ছুঁড়ে দিই
নদীর আশেপাশে কোন শত গাছ পেঁচিয়ে নেবে,
ডুব সাঁতার জানি না, চিং সাঁতারও ---
চিরদিন হামাগুড়ি দিতে দিতে
আলোর উৎস খুঁজতে চেয়েছি।

বুনো গন্ধেশরীর এলিয়ে গেছে
জ্বলের বাতিকে ভেবেছি চাঁদ
পৌষমেলার বাজি উৎসবে
স্মৃতির সঙ্গে লুকোচুরি খেলতে খেলতে
শৈশবে পৌঁছে যাই।
আলোর উৎস তখনও চোখ বুজে থাকে।

এইখানে শব রেখে কারা বিশ্রাম নিচ্ছে
ওদের কাছেই জানা যেতে পারে
কোন্ গহুরে আলো লুকিয়ে আছে।
দ্যুতিময় উৎসের দিকে ওদের পা প্রসারিত
জ্বলের বাতি নিভে আসছে
এগিয়ে চলবে পা,
এক পা দুপা এক পা দুপা।

সমরেন্দ্র মণ্ডল

